



9 Mei 2021
9 May 2021
P.U. (A) 225

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PENCEGAHAN DAN PENGAWALAN PENYAKIT BERJANGKIT (LANGKAH-LANGKAH DI DALAM KAWASAN TEMPATAN JANGKITAN) 2021

PREVENTION AND CONTROL OF INFECTIOUS DISEASES (MEASURES WITHIN INFECTED LOCAL AREAS) REGULATIONS 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PENCEGAHAN DAN PENGAWALAN PENYAKIT BERJANGKIT 1988

PERATURAN-PERATURAN PENCEGAHAN DAN PENGAWALAN PENYAKIT BERJANGKIT
(LANGKAH-LANGKAH DI DALAM KAWASAN TEMPATAN JANGKITAN) 2021

PADA menjalankan kuasa yang diberikan oleh subseksyen 11(2) Akta Pencegahan dan Pengawalan Penyakit Berjangkit 1988 [*Akta 342*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Pencegahan dan Pengawalan Penyakit Berjangkit (Langkah-Langkah di dalam Kawasan Tempatan Jangkitan) 2021**.

(2) Peraturan-Peraturan ini mula berkuat kuasa pada 10 Mei 2021.

Pemakaian

2. (1) Peraturan-Peraturan ini hendaklah terpakai bagi semua kawasan tempatan jangkitan.

(2) Sesuatu kawasan tempatan jangkitan, atau bahagian, daerah, mukim atau tempat, dalam kawasan tempatan jangkitan, tertakluk kepada suatu perintah kawalan pergerakan, perintah kawalan pergerakan bersyarat atau perintah kawalan pergerakan pemulihan, bagi apa-apa tempoh, sebagaimana yang ditetapkan dan diumumkan oleh Kerajaan dari semasa ke semasa dan disiarkan dalam laman sesawang Majlis Keselamatan Negara.

Tafsiran

3. (1) Dalam Peraturan-Peraturan ini, “kawasan tempatan jangkitan” ertinya mana-mana kawasan yang diisytiharkan sebagai kawasan tempatan jangkitan di bawah Perintah Pencegahan dan Pengawalan Penyakit Berjangkit (Pengisytiharan Kawasan Tempatan Jangkitan) 2020 [*P.U. (A) 87/2020*].

(2) Bagi maksud Peraturan-Peraturan ini—

- (a) berhubung dengan Negeri Sabah, Daerah Kota Kinabalu, Putatan dan Penampang hendaklah dikira sebagai satu daerah; dan
- (b) berhubung dengan Negeri Sarawak, “zon” ertinya zon yang terdiri daripada daerah atau bahagian sebagaimana yang dinyatakan dalam Jadual Pertama dan apa-apa sebutan mengenai “daerah” dalam Peraturan-Peraturan ini disifatkan sebagai sebutan mengenai “zon”.

Kawalan pergerakan

4. (1) Tiada seorang pun boleh bergerak dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain kecuali bagi maksud di bawah subperaturan (2).

(2) Tertakluk kepada peraturan 5, seseorang boleh bergerak dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain bagi maksud yang berikut:

- (a) untuk membekalkan atau menghantar makanan, ubat, penokok diet atau keperluan harian;
- (b) untuk mendapatkan perkhidmatan jagaan kesihatan atau perubatan;
- (c) untuk bekerja;
- (d) untuk melaksanakan apa-apa tugas rasmi, tugas kehakiman atau apa-apa tugas lain yang dibenarkan oleh seseorang pegawai diberi kuasa;

- (e) untuk memberi bantuan kemanusiaan kepada mana-mana orang yang terjejas kerana apa-apa bencana alam; atau
- (f) untuk menghadiri pembelajaran di mana-mana institusi pembelajaran atau untuk melaksanakan apa-apa tugas di mana-mana institusi pembelajaran.

(3) Seseorang boleh bergerak di dalam daerah yang terletakinya kediaman orang itu tertakluk kepada apa-apa arahan yang dikeluarkan oleh Ketua Pengarah.

Syarat-syarat bagi pergerakan

5. Jika seseorang bergerak dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain—

- (a) untuk membekalkan atau menghantar makanan, ubat, penokok diet atau keperluan harian, dia hendaklah memberikan bukti yang perlu sebagaimana yang dikehendaki oleh seseorang pegawai diberi kuasa;
- (b) untuk mendapatkan perkhidmatan jagaan kesihatan atau perubatan, pergerakan orang itu hendaklah hanya ke suatu daerah yang paling hampir dengan kediaman orang itu jika perkhidmatan jagaan kesihatan atau perubatan itu tidak terdapat di dalam daerah yang terletakinya kediaman orang itu;
- (c) untuk bekerja, dia hendaklah memberikan bukti yang perlu sebagaimana yang dikehendaki oleh seseorang pegawai diberi kuasa;
- (d) untuk melaksanakan apa-apa tugas rasmi atau tugas kehakiman, dia hendaklah mengemukakan surat kebenaran daripada majikannya jika dikehendaki oleh seseorang pegawai diberi kuasa;

- (e) untuk memberi bantuan kemanusiaan kepada mana-mana orang yang terjejas kerana apa-apa bencana alam—
 - (i) dia hendaklah memberikan bukti yang perlu sebagaimana yang dikehendaki oleh seseorang pegawai diberi kuasa; dan
 - (ii) dia boleh disertai oleh mana-mana orang lain tertakluk kepada apa-apa arahan yang dikeluarkan oleh Ketua Pengarah; atau
- (f) untuk menghadiri pembelajaran di mana-mana institusi pembelajaran atau untuk melaksanakan apa-apa tugas di mana-mana institusi pembelajaran, orang itu hendaklah memberikan bukti yang perlu sebagaimana yang dikehendaki oleh seseorang pegawai diberi kuasa.

Larangan pergerakan ke tempat yang tertakluk kepada perintah kawalan pergerakan diperketat

6. (1) Tiada seorang pun boleh masuk ke dalam atau keluar dari suatu tempat yang tertakluk kepada suatu perintah kawalan pergerakan diperketat kecuali mana-mana orang yang memberikan perkhidmatan jagaan kesihatan dan perubatan atau yang diberikan kebenaran oleh pegawai diberi kuasa.

(2) Bagi maksud subperaturan (1), “perintah kawalan pergerakan diperketat” merujuk kepada arahan yang diberikan oleh pegawai diberi kuasa di bawah subseksyen 11(3) Akta.

Pergerakan bagi maksud peperiksaan

7. (1) Mana-mana orang yang dikehendaki untuk menduduki apa-apa peperiksaan yang ditentukan oleh pihak berkuasa yang berkenaan di mana-mana institusi pembelajaran dibenarkan untuk bergerak dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain bagi maksud persediaan dan menduduki peperiksaan itu di institusi pembelajaran itu.